

大唐開元禮



大唐開元禮



大唐開元禮卷第一百二十五

嘉禮

六品以下婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮 前

一日主人設賓次於大門外道右南向以後納吉納

徵請期親迎設次皆如之 其日大昕使者至女氏

大門外掌次者延入次主人公服受其禮於正寢

廟有

者於廟

掌事者布神席於室戶外之西右几使者公服

不合公服者並常服

出次立於大門外之西東向主人立於東

階下西面儐者立於主人之左北面受命出立於門

東西面曰敢請事賓曰吾子有命貺室某也

吾子女父某壻

名

某有先人之禮使某也請納采

上某壻父名下某使者稱

儐者

入告主人曰某之子蠢愚又弗教吾子命之某不敢

辭儐者出告掌畜者以鴈授賓退立於後賓左手執

之主人迎於大門外之東西面再拜賓不答拜主人

揖賓以入賓從入主人入門而右賓入門而左至於
次門主人又揖入至內雷將曲揖當階揖至階主人
曰請吾子升賓曰某敢辭主人曰固請吾子升賓曰
某敢固辭主人曰終請吾子升賓曰某敢終辭主人
升東階當阿阿棟也西面賓升西階當阿東面賓曰敢
納采主人阼階上北面再拜進立於楹閒南面賓進
立於主人之西俱南面賓授鴈降自西階以出

問名

納采禮畢賓既降立於內門外之西東向初賓降主
人還阼階東左右受鴈於序端主人降立於阼階下

西面賓者進受命出請事賓曰某旣受命將加諸卜
敢請女爲誰氏賓者入告主人曰吾子有命且以備
數而擇之某不敢辭賓者出告掌畜者以鴈授賓退
立於後主人迎於內門外之東西面揖賓以入主人
入門而右賓入門而左二揖至階三讓如初主人升
阼階當阿西面賓升西階當阿東面曰敢問名主人
於阼階上北面再拜進立於楹閒南面賓進立於主
人之西俱南面賓授鴈還立西階上東面主人還阼
階上西面曰某第某女某氏出賓出立於內門外之
西東面主人退立於阼階東左右受鴈於序端主人

降立於阼階下西面儗者進受命出請事賓曰禮畢
儗者入告主人曰吾子爲事故至於某之室某有先
人之禮請禮從者儗者出告賓曰某旣得將事敢辭
賓者入告主人曰先人之禮敢固以請儗者出告賓
曰某辭不得命敢不從儗者入告主人升立於序端
掌事者徹几改筵東上

蒲筵緇布純漆几主
人設神席亦準此

設甌醴

於東房內西墉下加勺冪篚在尊北實觶一角枳一
加冪籩豆在篚北實脯醢設洗於東房近北罍水在
洗西篚在洗東北肆設訖主人降迎賓於內門外之
東西面主人揖賓賓報揖主人入賓從入二揖至階

三讓如初升主人於阼階上北面再拜賓於西階上
北面答拜主人受几於序端掌事者內拂几三奉兩
端西北向以進主人東南向外拂几三振袂內執之
進西北向使者迎受於筵前東南向以俟主人還阼
階上北面拜送賓以几避北面坐設於座左興退於
西階上北面答拜立於西階東面贊者盥手洗觶酌
醴加枳於觶覆之面菜出房南面立主人受醴面枋
進筵前西北面立賓於西階上北面一拜進筵前東
南面受醴復西階上位主人還阼階上北面一拜送
贊者薦脯醢於筵前賓進升筵坐左執觶右取脯孺

於醢祭於籩豆之間以杞祭醴三始扱一祭又扱再
祭興以杞兼諸觶上擯降筵於西階上北面坐啐醴
建柶奠觶遂拜執觶興主人答拜賓進升筵坐奠觶
於籩豆之東賓退立於西階上東面掌事者奉篚幣
升自東階主人受於序端進西面立賓西階上北面
再拜主人進楹閒南面立賓進立於主人之西俱南
面主人以幣篚授賓賓受退立於西階上東面主人
還東階上北面拜送賓降自西階從者謁受幣賓出
大門外之西東面立主人降出門東西面拜送賓退
主人入立於東階下西面僮者告於主人曰賓不顧

矣主人乃還於寢於使者歸主人壻之父公服立於阼

階下西面使者入告立於主人之左北面曰某既得

將事敢告主人曰聞命使者退主人入以下復命準此

納吉

其日大昕使者至女氏大門外掌次者延入次掌事

者設几筵如初使者出次立於主人大門外之西東

向主人立於阼階下西面僎者進受命出請事賓曰

吾子有貺命某加諸卜占曰吉使某也敢告某壻父名使某

使者僎者入告主人曰某之子不教惟恐弗堪吾子

有吉某預在焉某不敢辭僎者出告掌畜者以鴈授

使者退立於後主人迎拜如常主人揖賓以入賓從入主人入門而右賓入門而左至於次門主人揖入二揖至階三讓如初主人升阼階上西面賓升西階上東面曰敢納吉主人北面再拜進立於楹閒南面賓進立於主人之西俱南面賓授鴈降自西階出立於次門外之西東面初使者降主人還阼階東左右受鴈於序端主人降立於阼階下西面僎者進受命出請事使者曰禮畢其禮賓如問名之儀

納徵

其日大昕賓至女氏大門外掌事者延就次賓之掌

事者入布幕於主人次門之外玄纁束陳於幕上鹿

皮二內攝之毛在內左手立於幕南北面西上主人

掌事者設几筵如初

其玄纁束玄三匹束之其執皮內攝之手相向左手并執前足

右手并執後足

陳設訖使者出次立於主人大門外之西東

向主人立於阼階下西面賓者進受命出請事賓曰

吾子有嘉命貺室某也某有先人之禮束帛儷皮使

某也請納徵賓者入告主人曰吾子順先典貺某以

重禮某敢不承命賓者出告主人迎拜如常主人揖

賓以入賓從入主人入門而右賓入門而左至次門

主人立於門東西面賓立於西塾東面掌事者坐取

玄纁興以授賓賓執主人揖賓以入執束帛皮者從
入陳於庭三分庭一在南北首西上主人二揖至階
三讓如初主人升阼階當阿西面賓升西階當阿東
面曰敢納徵執皮者釋外足見文主人於阼階上北面再拜進
立於楹閒南面賓進立於主人之西俱南面授束帛
受皮者自右受之以東賓之執皮者自前西面出賓
初授束帛降出次門外之西東面主人還阼階東左
右受束帛於序端主人降立於阼階下西面僎者進
受命出請事賓曰禮畢其禮賓如問名之儀

請期

其日大昕使者至於女氏大門外掌事者延入次又
掌事者設几筵如初使者出次立於主人大門外之
西東向主人立於阼階下西面儻者進受命出請事
賓曰吾子有賜某旣申受命惟是三族之不虞使某
也請吉日儻者入告主人曰旣前受命矣惟命是聽
儻者出告賓曰某聽命於吾子某壻父名儻者入告主人
曰某固惟命是聽儻者出告賓曰某使某受命於吾
子吾子不許某敢不告期日曰某某吉日之甲乙儻者入告
主人曰某敢不敬須儻者出告掌畜者以鴈授使者
退立於後主人迎拜如常主人揖賓以入賓從入主

人入門而右賓入門而左二揖至階三讓而升主人
升阼階當阿西面賓升西階當阿東面曰敢告期主
人阼階上北面再拜進立於楹閒南面賓進立於主
人之西俱南面賓授鴈降出次門外之西東面主人
還阼階東左右受鴈於序端主人降立於阼階下西
面僎者進受命出請事賓曰禮畢其禮賓如納徵之
儀

親迎

其日大昕壻之父女之父各服其服告於禰正寢

以酒

脯告之一獻有廟者告於廟

將行父醺子於正寢贊者布席於東

序西向又設席於戶牖之間南向父公服

庶人常服以下準此

坐於東序西向子服爵弁

婦人絳公服

升自西階進立於

席西南向贊者酌酒進北面以授子子再拜受爵贊

者薦脯醢於席前

脯醢出自房

子升席跪左執爵右取脯

擣於醢祭於籩豆之間右祭酒執爵興降席西南面

跪卒爵奠爵再拜執爵興贊者受虛爵還尊所子進

立於父席前東面父命之曰往迎爾相承我宗事勛

率以敬先妣之嗣若則有常

庶子但云往迎爾相勛率以敬

子再拜

曰不敢忘命又再拜出初昏設洗於阼階東南東西

當東榮南北以堂深疊水在洗東加勺冪篚在洗西

南肆實爵二巾一加冪設婦洗於東房近北罍水在

洗西加勺冪篚在洗東北肆實以巾加冪陳饌於東

房內西墉下饌用牲特魚腊三壻及婦共牢婦之簋

及豆登之數各視其夫牲體皆節折簋實稷黍登實以羹豆實醢醬醢菹之類

簋豆登皆加蓋俎加冪尊於室中北牖下玄酒在西

加勺冪南枋又設尊於戶外之東加勺冪無玄酒篚

在南實四爵合盞加冪夫婦酌於內尊四爵兩盞凡六夫婦各三醕主人

乘青偏轡犢車主人謂壻也從者公服乘車以從婦車及

從車各準其夫至於婦氏大門外掌次者延入次贊

者布席於室戶外之西西上右几又布席於房戶內